

Na osnovu člana 22. stava (1) tačke d) Zakona o Policiji Brčko distrikta Bosne i Hercegovine («Službeni glasnik Brčko distrikta BiH» broj: 31/09) i člana 27 Pravilnika o uniformi Policije Brčko distrikta BiH («Službeni glasnik Brčko distrikta BiH» broj 18/08), šef Policije Brčko distrikta BiH **d o n o s i:**

P R A V I L N I K

o detaljnom izgledu, boji, opisu, sirovinskom sastavu i vremenu trajanja uniforme Policije Brčko distrikta BiH

PRVI DIO - OSNOVNE ODREDBE

Član 1 (Predmet Pravilnika)

Ovim pravilnikom propisuju se detaljan izgled, boja, opis, sirovinski sastav i vrijeme trajanja uniforme policijskih službenika Policije Brčko distrikta Bosne i Hercegovine (u daljnjem tekstu: Policija Distrikta).

DRUGI DIO - IZGLED, BOJA, OPIS I SIROVINSKI SASTAV OSNOVNE I DOPUNSKE UNIFORME

Član 2 (Osnovna uniforma Jedinica opće i saobraćajne policije)

- (1) **Kapa sa šiltom (šapka)** je od materijal je tamno plave boje, sirovinski sastav: 60% vune i 40% poliestera, težina: 200g/m² (± 3%). Kroj kape je standardni sa gornjim dijelom osmougaoanog oblika, sa predviđenim mjestom za postavljanje metalne Policijske značke za kapu, sa strane se nalaze po dvije metalne rinčice za ventilaciju, na štitniku (šilt) postavljena je traka –pletunica zlatne boje.
- (2) **Majica kratkih rukava** tamnoplave je boje klasičnog oblika, prilagođena za nošenje ispod košulje kratkih rukava. Izrađena je iz glatkog jednoležišnog pamučnog pletiva. Okrugli obrub vratnog izreza izrađen je iz dvostranog desnog pletiva ojačanog elastičnom niti (likra).
- (3) **Košulja kratkih rukava** (muška/ženska) je izrađena od tkanine, svjetloplave boje, mješavina: pamuk 67 %, poliester 33 %, težina 150 gr/m²(± 3%). Na prednjoj strani u visini grudi našivena su dva džepa s poklopcima koji se kopčaju dugmetom. Košulja se kopča plastičnim dugmadima, boja dugmadi usklađena sa bojom košulje. Iznad lijevog džepa prišivena je lajsna sa dvije metalne ringle za kačenje policijske značke. Na ramenima su prišiveni držači za epolette koje se kopčaju dugmetom. Kragna je klasičnog kroja model poligonka. Na lijevom rukavu, 10 cm od ramenog šava, prišiven je policijski amblem na ćeriličnom i latiničnom pismu.
- (4) **Majica kratkih rukava s kragom** je pamučna, svjetloplave boje, klasične kragne i kopčanjem s tri dugmeta. Na ramenima su prišiveni držači za naramenice s oznakama čina koje se kopčaju dugmetom. Na leđima je mašinski izvezen natpis «POLICIJA» koji je ispisan ćeriličnim i latiničnim pismom, koji je ispisan ćiriličnim i latiničnim pismom a na lijevom rukavu, na sredini, našiven je policijski amblem (po uzorku).

- (5) **Košulja dugih rukava** (muška/ženska) izrađena je od tkanine svijetloplave boje, materijal: mješavina pamuk 67%, poliester 33%, težina materijala 120 - 130 gr/m². Na prednjoj strani, u visini grudi, našivena su dva džepa s poklopcima koji se kopčaju dugmadima čija je boja usklađena s bojom košulje. Kopčanje košulje je na dugmad, a rukavi završavaju manžetnama i dva dugmeta za podešavanje.
- (6) **Kravata** je od materijala je tamno plave boje, sirovinskog sastava 60 % vuna i 40% poliester, težina: 200 g/m² (± 3%), sa čvorom i gumenom trakicom za kopčanje.
- (7) **Pulover**: je od materijala tamno plave boje, sirovinskog sastava 50 % vuna i 50% akril (± 3%). Pletenje je rađeno sitnim tkanjem, pulover je na V-izrez, bez rukava.
- (8) **Kratka jakna – dvodijelna** je od materijala tamnoplave boje, sirovinski sastav je vuna 60 % i poliester 40 %, težina 250 g/m² (± 3%), postava je od lake, sintetičke mrežice sirovinskog sastava 100% viskoza. Kragna jakne je visoka i zatvara se čičkom, zatvarač za kačenje uloška za jaknu je do kraja unutrašnje kragne. Jakna se kopča rajsferšlusom koji je prekriven lajsnom s drukerima, koja sprečava prodor vode i vjetra. Ispod lajsne na grudnom dijelu nalazi se skriveni džep koji se zakopčava rajsferšlusom. U predjelu grudi su dva «skrivena» džepa koja su prekrivena klapnom i zatvaraju se drukerom. U gornjem lijevom džepu se nalazi lajsna s dvije ringlice za kačenje policijske značke. Iznad gornjih džepova našivena je reflektujuća traka širine 1 cm po cijeloj širini grudi. U predjelu bokova su dva kosa džepa s rajsferšlusima koji su prekriveni lajsnom širine 2.5 cm . Donja ivica jakne je s elastičnom trakom širine 50 mm koja osigurava pripijanje jakne uz tijelo i sprečava prodor vjetra u unutrašnjost jakne. Rukavi su iz jednog dijela i završavaju se manžetnom širine 5 cm na koju je našivena špangica sa čičak trakom za korekciju širine. Na manžetama je našivena reflektivna traka širine 2 cm. Na lijevom rukavu, 10 cm od ramenog šava, našiven je policijski amblem na ćiriličnom i latiničnom pismu (po uzorku). U ramenom dijelu našivene su epolete. Postava jakne je od lake, sintetičke mrežice.
- (9) **Uložak jakne** je tamno plave boje napravljen od “WINDSTOPER” materijala sirovinskog sastava 100% poliester, težina 270 g/m² (± 2%). Kragna je usklađena sa kragom spoljašne jakne, jakna je ravnog kroja i kopča se rajfešlusom. U predjelju grudi ima dva skrivena džepa koja se zatvaraju rajfešlusom i prekriveni su lajsnom širine 2,5 cm. U gornjem lijevom džepu se nalazi lajsna sa dvije ringlice za kačenje značke. U prijedelu bokova su dva skrivena kosa džepa sa rajfešlusima koji su prekriveni klapnom. Sa spoljašne strane u kragu i na rukavima našivene su paspul trake za fiksiranje uloška za spoljašnu jaknu. U ramenom dijelu našivene su trake koje nose epolete. U ramenom dijelu i na laktovima su dodatna ojačanja. Na lijevom rukavu 10 cm od ramenog šava našiven je policijski amblem na ćiriličnom i latiničnom pismu.
- (10) **Pantalone zimske (muške/ženske)** su od materijala tamno plave boje, sirovinski sastav 60 % vuna i 40% poliester, težina: 250 g/m² (± 3%), pojasnina: standardna sa gajkom širine 10-12 mm sa unutrašnjom šupljinom za kaiš od 5 cm. Zakopčavanje sa patent zatvaračem (šlic), a iznad (u pojasu) se nalazi dugme i metalna kopča. Pantalone imaju dva bočna kosa džepa na krajevima učvršćena ringlicom, i zadnji džep sa dugmetom i poklopcem na desnoj strani. Nogavice su širine od 22 do 26 cm, na kraju nogavice ojačanje sa našivenim štitnikom sa unutrašnje strane.

- (11) **Pantalone ljetne (muške/ženske)** su od materijala tamno plave boje , sirovinski sastav 60 % vuna i 40% poliester, težina: 200 g/m² (± 3%), pojasnina: standardna sa gajkom širine 10-12 mm sa unutrašnjom šupljinom za kaiš od 5 cm. Zakopčavanje sa patent zatvaračem (šlic), a iznad (u pojasu) se nalazi dugme i metalna kopča. Pantalone imaju dva bočna kosa džepa na krajevima učvršćena ringlicom, i zadnji džep sa dugmetom i poklopcom na desnoj strani. Nogavice su širine od 22 do 26 cm, na kraju nogavice ojačanje sa našivenim štitnikom sa unutrašnje strane.
- (12) **Kaiš** je izrađen od kože, crne boje, širine 4,5 cm s klasičnom metalnom kopčom.
- (13) **Čarape zimske** (muške / ženske) su plave boje, sirovinskog sastava 80% pamuk i 20% sintetika.
- (14) **Čarape ljetne** (muške / ženske) su plave boje, izrađene od tanjeg materijala i istog sirovinskog sastava.
- (15) **Cipela niska- ljetna (muška/ženska):** Boja cipele je crna. Izrađena je od hidrofobirane prirodne kože, sa vodonepropusnom membranom. Unutrašnja postavava je od presovane prirodne kože. Džon cipele je mješavina gume i poliuretana, antistatički, otporan na ulja, i protiv proklizavanja. Standardni model službene cipele. Džon je ljepljen kvalitetnim ljepilom. Vezivanje je voskanom pertlom koja se provlači kroz metalne rinčice.
- (16) **Cipela poluduboka - zimska (muška/ženska):** Čizma je crne boje. Izrađena je od hidrofobirane kože sa logotipom proizvođača otisnutim na vanjskoj strani čizme. Deset ringlica, na kojima se nalazi otisnut logotip proizvođača, ravnomjerno su raspoređena na čeonom dijelu čizme. Dodatnih šest ringlica su ravnomjerno raspoređena u vrhu čizme. Ispod ringlica su postavljena kožna pojačanja. Jezik je izrađen od hidrofobirane kože sa dodatnim pojačanjem, sa otisnutim ispuštenim 3D logotipom proizvođača. Na unutrašnjoj strani jezika mora se nalaziti etiketa proizvođača sa naznakom veličine, modela, načina održavanja i vrste certifikata koji posjeduje. Dvobojni neklizajući gumeni đon, otporan na ulje, sa X-traction sistemom koji sprječava klizanje i na kojem je otisnut ispušten 3D logotip proizvođača i logotip X-traction. Na sredini đona se nalazi fleksibilni dio, izrađen od mekane prozirne gume, koji olakšava kretanje i absorbuje udar. Posjeduju nepromočivu prozračnu membranu „Aqua Lung“. Na đonu se nalaze dva ispuštena natpisa „SLIP RESISTANT“ i „OIL RESISTANT“. Unutrašnjost je izrađena od konturne pjene „M-PACT“ sa sistemom absorpcije udara. Presvučena je „Cambrelle“ postavom koja smanjuje znojenje nogu i odlično upija vlagu. Posjeduje i „Agion“ antibakterijski uložak koji neutralizira bakterije i neugodne mirise. Sa donje strane uložka mora biti utisnut logotip proizvođača. Sa donje strane uložka nalaze se dvije absorpcione ploče, žute i crne boje. Uložak mora imati najmanje 12 rupica za ventilaciju, promjera min. 3 mm. Na stražnjem dijelu čizme postavljena je Kick Pad zaštita za taktičku primjenu, sa utisnutim natpisom „KICK PAD“. Čizma mora posjedovati EN ISO 20347 certifikat.
- (17) **Duga jakna sa kapuljačom-zimska** je od materijala tamno plave boje, izrađen od vodonepropusnog materijala. Materijal mora biti otporan na vodu, vjetar, mraz, sunce i druge vremenske uslove. Vanjska jakna se sastoji od osnovne tkanine i postave. Kragna je visoka i u njoj je smještena kapuljača sa gajtanom za korekciju širine, a zatvara se čičak trakom. Jakna se kopča patent zatvaračem i duplom lajsnom sa kopčanjem skriveni driker, koja sprječava prodor vode i vjetra. U predjelu grudi su dva "skrivena džepa koja su skrivena klapnom i zatvaraju se skrivenim drikerom. U gornjem lijevom džepu se nalazi lajsna sa dvije ringlice za kačenje značke. Iznad gornjih džepova našivena je reflektirajuća traka širine 1 cm, po

cijeloj širini grudni. U predjelu bokova, a ispod tunela za korekciju širine jakne, nalaze se dva džepa, koji se zatvaraju klapnom sa skrivenim drikerima. Iznad gornjih džepova našivena je reflektirajuća traka širine 1 cm, po cijeloj širini grudni. Jakna ima proreze sa obje strane koji se kopčaju patent zatvaračem dva ključa, dužine 35 cm, i služe za lakše vađenje opreme sa opasača. Uložak jakne je os štepane postave, kopča se na zatvarač, sa strana prorezi kao na vanjskoj jakni. Rukavi uložka se završavaju renderom i dugmetom se kači na jaknu. Na lijevom rukavu 10 cm od ramenog šava našiven je policijski amblem na ćirilicom i latiničnom pismu. Karakteristike materijala vajske jakne: 87% PES - 13% FILM IMPER, RESPIRANT PU (± 3%), težina: 195 gr/m² (± 3%), test: 3 pranja, otpornost na vodenu paru: < 8 m²Pa/W, skupljanje prilikom pranja: ± 2⁰, prozračnost materijala: < 0,5 l/m²/sec, otpornost na kidanje (daN/5cm): > 100 longitudinalno opterećenje / > 90 transverzalno opterećenje, otpornost na posjekotine (daN): 4,6 longitudinalno opterećenje / 5 transverzalno opterećenje, otpornost na cijepanje (daN): 7,4 longitudinalno opterećenje / 6,6 transverzalno opterećenje, materijal suzbija širenje plamena, pranje: 60⁰ C, peglanje: dozvoljeno, hemijsko čišćenje: preporučeno, po potrebi, sirovinski sastav materijala je 100% Viskoza.

- (18) **Kišni mantil – ogrtač** : Pelerina je tamno plave boje, sirovinskog sastava 100 % poliester, kišni mantil je vodonepropusan. Šavovi mantila su vareni. Standardni kroj pelerine tzv “pončo“ stil. Kišni mantil se nosi preko spoljnih dijelova odjeće samo za vrijeme atmosferskih padavina. Sa obje strane kopča se drikerima.

Član 3

(Dopunski dijelovi uniforme policijskih službenika Jedinice opće policije)

- (1) **Potkapa** je tamno plave boje izrađena od pletene vune.
- (2) **Rukavice** (muške / ženske) materijal: mekana koža (janjeća napa), crne boje, postavljene (triko postava), klasičnog kroja s prstima.
- (3) **Komplet za nošenje oružja** sastoji se od opasača, futrole za pištolj, nosača za palicu, futrole za rezervni okvir, futrole za sredstva za vezivanje i sredstva radioveze. Izrađen je od sintetičkog materijala (cordure) crne boje. Kopča se glatkom plastičnom kopčom crne boje s dodatnim osiguranjem protiv otkopčavanja.
- (4) **Prsluk reflektujući** je izrađen od laganog reflektirajućeg žutog materijala, sirovinskog sastava 100 % poliester. Prsluk ima našivene 3M reflektirajuće trake sive boje i reflektirajućim natpisom na leđima sive boje “POLICIJA” na ćirilicom i latiničnom pismu. Krojem je prilagođen za nošenje na osnovnu policijsku uniformu.
- (5) **Dopunski dijelovi uniforme iz člana 7 od tačke e) do tačke p) Pravilnika o uniformi Policije Brčko distrikta BiH** izrađeni su u standardnom obliku i materijalu.

Član 4

(Dopunski dijelovi uniforme policijskih službenika Jedinice saobraćajne policije)

- (1) **Prsluk reflektujući**: je izrađen od laganog reflektirajućeg žutog materijala, sirovinskog sastava 100 % poliester. Prsluk ima našivene 3M reflektirajuće trake sive boje i reflektirajućim natpisom na leđima sive boje “POLICIJA” na ćirilicom i latiničnom pismu. Krojem je prilagođen za nošenje na osnovnu policijsku uniformu.
- (2) **Navlaka za šapku** bijele je boje, izrađena od lagane tkanine oblika koji je prilagođen za navlačenje na službenu kapu.

- (3) **Narukavlje bijelo** izrađeno je od lagane tkanine oblikom prilagođeno za navlačenje na oba rukava uniforme.
- (4) **Narukavlje bijelo - reflektujuće** izrađeno je od lagane tkanine na koju su po dužini prišivene trake (širine 3–4 cm) od reflektirajućeg materijala, svijetloplave boje, oblikom prilagođenim za navlačenje na oba rukava uniforme.
- (5) **Rukavice bijele** izrađene su od laganog materijala klasičnog kroja s prstima.
- (6) **Zimsko motociklističko odijelo** izrađeno je od crne kože, klasičnog kroja motociklističkog kombinezona s pojačanim laktovima, koljenima i ramenima. Sastavljeno je od jakne i pantalona, koji se međusobno u visini kukova povezuju zatvaračem i čičkom. Na lijevom rukavu jakne, 10 cm od ramenog šava, prišiven je policijski amblem a čitavom dužinom prišivena je reflektujuća traka bijele boje. Na leđima je prišiven natpis »POLICIJA« koji je ispisan ćirilničnim i latiničnim pismom izrađen od reflektujuće trake bijele boje. Na obje nogavice s vanjske strane čitavom dužinom prišivena je reflektujuća traka bijele boje.
- (7) **Ljetno motociklističko odijelo** (dvodijelno) izrađeno je od sintetičke, vjetronepropusne tkanine tamnoplave boje. Klasičnog je kroja motociklističkog kombinezona s pojačanjima na koljenima, laktovima i ramenima. Sastavljeno je od jakne i pantalona, koji se međusobno u visini kukova povezuju zatvaračem i čičak trakom. Na lijevom rukavu, 10 cm od ramenog šava, prišiven je policijski amblem a čitavom dužinom nogavica i rukava prišivena je reflektujuća traka bijele boje. Na leđima je prišiven natpis »POLICIJA« koji je ispisan ćirilničnim i latiničnim pismom izrađen od reflektujuće trake bijele boje.
- (8) **Kaciga** je klasična integralna kaciga bijele boje, s viziorom.
- (9) **Motociklističke čizme** izrađene su od crne kože, s povišenom sarom. Kopčaju se zatvaračem.
- (10) **Motociklističke rukavice** (zimске i ljetne) izrađene su od crne kože, klasičnog oblika s prstima i našivenim bijelim produžetkom do visine pola podlaktice. Ljetne rukavice se izrađuju od tanje kože.
- (11) **Motociklistički kišni komplet** sastoji se od jakne i pantalona tamnoplave boje. Izrađen je od gumirane nepromočive tkanine i prilagođen za nošenje iznad zimskog i ljetnog motociklističkog odijela. Na leđima je prišiven natpis »POLICIJA« koji je ispisan ćirilničnim i latiničnim pismom.
- (12) **Motociklistička majica kratkih rukava s kragom** je pamučna, tamnoplave boje, klasične kragne i s kopčanjem na tri dugmeta. Na ramenima su prišiveni držači za naramenice za oznaku čina koje se kopčaju dugmetom. Na leđima mašinski je izvezen natpis »POLICIJA« koji je ispisan ćirilničnim i latiničnim pismom, a na lijevom rukavu, na sredini, našiven policijski amblem (po uzorku).
- (13) **Motociklistička majica dugih rukava** (poludolčevita) je pamučna, tamnoplave boje, s okruglom kragom. Nosi se ispod motociklističkog odijela.
- (14) **Zaštitni pojas za lumbalni dio kičme** univerzalnog je oblika i pričvršćuje se trakom na čičak.
- (15) **Štitnici za koljena i laktove** – univerzalni štitnici za koljena i laktove.

Član 5

(Osnovna uniforma policijskih službenika Jedinice za podršku)

- (1) **Kačket** je sivomaslinaste boje (ALFA), klasičnog - cilindričnog oblika, sa plastičnim suncobranom koji je opšiven platnom i prošiven ukrasnim štepovima. Donji obod kape je ojačan i završava trakom za podešavanje obima. Na prednjem dijelu iznad suncobrana mašinski izvezena (štampana) policijska značka.

- (2) **Majica kratkih rukava** je sivomaslinaste boje (ALFA) klasičnog oblika, prilagođena za nošenje ispod košulje kratkih rukava. Izrađena je iz glatkog jednoležišnog pamučnog pletiva. Okrugli obrub vratnog izreza izrađen je iz dvostranog desnog pletiva ojačanog elastičnom niti (likra). Na leđima je odštampan natpis «POLICIJA» koji je ispisan ćirilničnim i latiničnim pismom.
- (3) **Košulja kratkih rukava** je od materijala svjetlo plave boje, mješavina 67% pamuk i 33 % poliestera, težina: $150 \text{ g/m}^2 (\pm 3\%)$. Na prednjoj strani u visini grudi, našivena su dva džepa sa poklopcima koji se kopčaju dugmetom. Košulja se kopča plastičnim dugmadima, boja dugmadi je usklađena sa bojom košulje. Iznad lijevog džepa prišivena je lajsna sa dvije metalne ringle za kačenje policijske značke. Na ramenima su prišiveni držači za epolete, koji se kopčaju dugmetom. Kragna je klasičnog kroja, model poligonka. Na lijevom rukavu 10 cm od ramenog šava našiven je policijski amblem na ćirilničnom i latiničnom pismu.
- (4) **Košulja dugih rukava (kombinovana)** je boja: sivo-maslinasta (alpha), sirovinski sastav: visokokvalitetni ripstop (mješavina pamuka 50% i poliestera 50%) opis: Na prednjici u predjelu grudi nalaze se dva džepa sa patnom sa skrivenim kopčanjem sa dva dugmeta. Iznad desnog džepa našivena je vlaknasta traka dimenzija 120x40 mm na koju se lijepi čičak traka sa natpisom POLICIJA na ćirilničnom i latiničnom pismu. Rukavi su ojačani u predjelu laktova. Na dužini rukava je mandžetna na kojoj je našivena špangla i dva dugmeta za regulisanje širine rukava. Košulja se kopča sa pet dugmadi od kojih su četiri skrivene. Na ramenima su našivene epolete koje se kopčaju dugmadima. Na lijevom rukavu 10 cm od ramenog šava na sredini rukava našiven je policijski amblem na ćirilničnom i latiničnom pismu. Krojena od tanjeg materijala na rukavima u visini iznad lakta sa unutrašnje strane ima našivene špenagle a u istoj visini sa vanjske strane našivena dugmad što omogućava kopčanje zavrnutih rukava.
- (5) **Majica dugih rukava (dolčevita)** je sivomaslinaste boje (ALFA) klasičnog oblika, prilagođena za nošenje ispod košulje dugih rukava. Izrađena je iz glatkog jednoležišnog pamučnog pletiva, okrugli obrub vratnog izreza izrađen je iz dvostranog desnog pletiva ojačanog elastičnom niti (lycra) i visine 8 cm.
- (6) **Pantalone zimske** su sivomaslinaste boje. Na prednjici imaju dva unutrašnja kosa džepa. Na zadnjem dijelu su dva džepa s klapnama i skrivenim kopčanjem s dva dugmeta. U predjelu koljena i sjedišta imaju ojačanje. S bočne strane nogavica imaju našivena dva džepa s faltama i klapnama sa skrivenim kopčanjem na dva dugmeta. Pantalone se kopčaju s tri skrivena dugmeta i jednim dugmetom u pojasu. U pojasu ima sedam gajki i našivena dva regulatora sa šnalom za regulisanje širine struka. U porubu dužine nogavice uvučena je traka kojom se reguliše širina. Krojen od debljeg materijala.
- (7) **Pantalone ljetne** - boja, izgled i opis identičan je zimskim pantalonama, s tim što su krojene od tanjeg materijala.
- (8) **Kaiš** je izrađen od kože, crne boje, širine 4,5 cm s klasičnom metalnom kopčom.
- (9) **Čarape zimske** su sivomaslinaste boje, sirovinskog sastava 80% pamuk i 20% sintetika.
- (10) **Čarape ljetne** su sivomaslinaste boje, izrađene od tanjeg materijala i istog sirovinskog sastava.

- (11) **Cipela niska gozjerica** visine je od 12 do 15 cm (+/-10%) na vezivanje. Cipela se sastoji iz tri dijela: gornjište, unutrašnjost i donjište. Gornjište cipele: lice je izrađeno od goveđeg boksa debljine 1,7 – 1,9 mm, vodonepropusno. Kragna je izrađena od goveđeg boksa debljine 1,2 - 1,4 mm, vodonepropusna, sunđer u kragni je debljine 13 mm. Jezik je izrađen od goveđeg boksa debljine 1,2 - 1,4 mm, vodonepropustan, sunđer u jeziku je debljine 5 mm, visoko postavljen da čuva prednji dio noge. Zatvaranje cipele: cipela se zatvara pomoću 5 - 7 pari ringlica ili zakovica otpornih na koroziju. Unutrašnjost cipele: postava je s klima membranom i slojem za termoregulaciju, dišljiva i vodonepropusna s varenim šavovima. Donjište cipele: temeljna tabanica (branzol) izrađena je od đonske kože, debljine 2,0 - 2,2 mm koja je ojačana podsvodnom popunom (glenk). Međudon je kožni debljine 3,5 - 4,0 mm. Spajanje međudona s gornjištem je šivanjem i lijepljenjem. Uložna tabanica je izrađena od poliuretanskog presovanog sunđera slijedećih karakteristika: dišljiva, sprečava stvaranje gljivica, antibakterijskog je dejstva, sadrži aktivni ugalj koji omogućava lako oslobađanje neprijatnih mirisa, lako se pere i brzo suši. Anatomski je oblikovana. Đon je izrađen od gume, tvrdoće 65 - 70 Sch, neklizajući, otporan na ulje, dubina šare minimum 5 mm. Sila odljepljivanja je minimum 440 N.
- (12) **Cipela poluduboka zimska** visine 22 cm (+/-10%) na vezivanje. Cipela se sastoji iz tri dijela: gornjište, unutrašnjost i donjište. Gornjište cipele: lice je izrađeno od goveđeg boksa debljine 2,2 - 2,4 mm, vodonepropusno. Kragna je izrađena od goveđeg boksa debljine 1,2 - 1,4 mm, vodonepropusna, sunđer u kragni je debljine 13 mm. Jezik je izrađen od goveđeg boksa debljine 1,2 - 1,4 mm, vodonepropustan, sunđer u jeziku je debljine 5 mm, visoko postavljen da čuva prednji dio noge. Zatvaranje cipele: cipela se zatvara pomoću 7 - 9 pari ringlica ili zakovica otpornih na koroziju. Unutrašnjost cipele: postava je s klima membranom i slojem za termoregulaciju, dišljiva i vodonepropusna s varenim šavovima. Donjište cipele: temeljna tabanica (branzol) je izrađena od đonske kože debljine 2,0 - 2,2 mm koja je ojačana podsvodnom popunom (glenk). Međudon je kožni, debljine 3,5 - 4,0 mm. Spajanje međudona s gornjištem je šivanjem i lijepljenjem. Uložna tabanica je izrađena od poliuretanskog presovanog sunđera slijedećih karakteristika: dišljiva, sprečava stvaranje gljivica, antibakterijskog je dejstva, sadrži aktivni ugalj koji omogućava lako oslobađanje neprijatnih mirisa, lako se pere i brzo suši. Anatomski je oblikovana. Đon je izrađen od gume, tvrdoće 65 - 70 Sch, neklizajući, otporan na ulje, dubina šare minimum 5 mm. Sila odljepljivanja je minimum 440 N.
- (13) **Taktička duboka čizma sa membranom:** Čizma je crne boje. Izrađena je od hidrofobirane kože sa logotipom proizvođača otisnutim na vanjskoj strani čizme. Deset ringlica, na kojima se nalazi otisnut logotip proizvođača, ravnomjerno su raspoređena na čeonom dijelu čizme. Dodatnih šest ringlica su ravnomjerno raspoređena u vrhu čizme. Ispod ringlica su postavljena kožna pojačanja. Jezik je izrađen od hidrofobirane kože sa dodatnim pojačanjem, sa otisnutim ispučnim 3D logotipom proizvođača. Na unutrašnjoj strani jezika mora se nalaziti etiketa proizvođača sa naznakom veličine, modela, načina održavanja i vrste certifikata koji posjeduje. Dvobojni neklizajući gumeni đon, otporan na ulje, sa X-traction sistemom koji sprječava klizanje i na kojem je otisnut ispučeni 3D logotip proizvođača i logotip X-traction. Na sredini đona se nalazi fleksibilni dio, izrađen od mekane prozirne gume, koji olakšava kretanje i absorbira udar. Posjeduju nepromočivu prozračnu membranu „Aqua Lung“. Na đonu se nalaze dva ispučena natpisa „SLIP RESISTANT“ i „OIL RESISTANT“. Unutrašnjost je izrađena od konturne pjene „M-PACT“ sa sistemom absorpcije udara. Presvučena je „Cambrelle“ postavom koja smanjuje znojenje nogu i odlično upija vlagu. Posjeduje i „Agion“ antibakterijski uložak koji neutralizira bakterije i neugodne mirise. Sa donje strane uložka mora biti utisnut logotip proizvođača. Sa donje strane uložka nalaze se dvije absorpcione ploče, žute i crne boje. Uložak mora imati najmanje 12 rupica za ventilaciju, promjera min. 3 mm. Na stražnjem dijelu čizme postavljena je Kick Pad zaštita za

taktičku primjenu, sa utisnutim natpisom „KICK PAD“. Čizma mora posjedovati EN ISO 20347 certifikat.

- (14) **Kratka jakna** je boje : sivomaslinaste - alpha, sirovinski sastav : mješavina visokokvalitetnog pamuka i poliestera, opis: jakna je sa kragom, kopča se rajsfešlusom koji je prikriven lajsnom sa drikerima, koja sprečava prodor vode i vjetra. U predjelu grudi su dva "skrivena" džepa koja su prikrivena patnom i zatvaraju se drikerom. U predjelu bokova su dva kosa "prikrivena" džepa sa rajsfešlusom koji su prikriveni patnom. U gornjem lijevom džepu se nalazi lajsna s dvije ringlice za kačenje policijske značke. Donji rub jakne je sa elastičnom trakom koja omogućava pripijanje jakne uz tijelo i sprečava prodor vjetra u unutrašnjost jakne. Rukavi su iz jednog dijela i završavaju se elastičnom trakom koja omogućava pripijanje rukava uz ruku, na lijevom rukavu 10 cm od ramenog šava našiven je policijski amblem na ćirilicom i latiničnom pismu.
- (15) **Uložak jakne** proizveden je od polar-flisa s membranom za zaštitu od vjetra. Kragna je usklađena s kragom spoljašnje jakne. Jakna je ravnog kroja i kopča se rajsfešlusom. U predjelu grudi ima dva skrivena džepa koja se zatvaraju rajsferšlusom i prekriveni su klapnom. U gornjem lijevom džepu nalazi se lajsna s dvije ringlice za kačenje policijske značke. U predjelu bokova su dva skrivena kosa džepa sa rajsfešlusima koji su prekriveni klapnom. Sa spoljašnje strane u kragu i na rukavima našivene su paspul-trake za fiksiranje uložak jakne za spoljašnju jaknu. U ramenom dijelu našivene su trake koje nose epolette. U ramenom dijelu i na laktovima su dodata ojačanja od rip-stop materijala. Na lijevom rukavu, 10 cm od ramenog šava, našiven je policijski amblem (po uzorku).
- (16) **Kišni mantil (ogrtić)** s kapuljačom je pelerina sivomaslinaste boje s kapuljačom od gumirane tkanine (šivano lijepljena). S obje strane kopča se pritiskačima. U vanjskom rubu kapuljače je tunel s trakom za zatezanje. Na lijevom rukavu, 10 cm od ramenog šava, našiven je policijski amblem.
- (17) **Rukavice** su crne boje, kožne s postavom, klasičnog kroja s prstima.

Član 6

(Dopunski dijelovi uniforme policijskih službenika Jedinice za podršku)

- (1) **Zimski kombinezon – jednodijelni** izrađen je s jednim dvosmjernim patent zatvaračem, koji je prekriven lajsnom koja se zakopčava na drukere. Između dva gornja drukera na lajsni nalazi se španglica za činove, s kopčanjem na druker. U visini grudi su našivena dva džepa koja se zatvaraju patent zatvaračem. Iznad džepova na satli prednjeg dijela koja je ojačana štepom našivena je s obje strane vlaknasta traka širine 4 cm, dužine 12 cm, na koju se stavlja čičak traka s fluorescentnim termofiksirajućim natpisom «POLICIJA» koji je ispisan ćirilicom i latiničnim pismom. U kragu kombinezona je skrivena kapuljača koja se može po potrebi vaditi. Na prednjem dijelu kragne je španglica s čičak trakom za reguliranje širine. U predjelu koljena, laktova, ramena i tura je ojačanje. Rukavi i nogavice se završavaju s manžetnama kojima se reguliše širina na čičak traku. U predjelu bokova su dva kosa paspul džepa, a na nogavicama iznad koljena našivene su bočni džepovi koji se zatvaraju s patent zatvaračima. Na desnoj nogavici ispod koljena našiven je jedan džep. Na leđima ispod satle koja je ojačana štepom, našivena je vlaknasta traka širine 8 cm, dužine 32 cm, na koju se stavlja čičak traka s fluorescentnim termofiksirajućim natpisom «POLICIJA» koji je ispisan ćirilicom i latiničnim pismom. U leđnom dijelu je falta koja omogućava komoditet. U struku, u leđnom dijelu ušivena

je elastična traka za regulisanje širine. Na lijevom rukavu, deset centimetara od ramenog šava, na sredini rukava je našiven policijski amblem (po uzorku). Boja je sivomaslinasta.

- (2) **Potkapa s prorezima za oči i usta** (ljetna) izrađena od pamučnog končanog materijala, sitno-mrežastog tkanja, crne boje, ima proreze za oči i usta, napravljena je tako da prekriva glavu i vrat.
- (3) **Potkapa s prorezima za oči i usta** (zimsko) izrađena od pamučne tkanine crne boje, ima proreze za oči i usta, napravljena je tako da prekriva glavu i vrat.
- (4) **Rukavice (ojačane)** izrađene su od prirodne kože, crne boje, imaju ušivena ojačanja s vanjske strane na prstima i zglobovima te s unutarnje strane na dlanovima. Na zglobu iznad šake zatvaraju se čičak trakom.
- (5) **Bijele navlake** (za zimske uvjete) izrađene su od sintetičkog vodonepropusnog materijala, bijele boje. Navlake su dvodijelne, komplet sačinjavaju pantalone i jakna. Pantalone su uobičajenog šireg kroja bez džepova s ušivenom gumenom trakom na kraju nogavica. U dijelu struka ušivena je špaga za zavezivanje pantalona. Jakna je uobičajenog širokog kroja, s ušivenom kapuljačom i ušivenim džepom s lijeve strane u visini grudiju. Na sredini jakne, s prednje strane ušiven je patent zatvarač bijele boje. Na donjem obrubu ušivena je špaga za dotezanje jakne.
- (6) **Kapa** je od materijala nepropusnog na vjetar, crne boje, s mogućnošću pokrivanja uha.
- (7) **Prsluk reflektujući** izrađen je laganog materijala, jarke boje (narančaste ili žute), s našivenim reflektujućim trakama bijele boje i reflektujućim natpisom «POLICIJA» koji je ispisan čeriličnim i latinilnim pismom, bijele boje, na leđima.
- (8) **Taktički prsluk** osnova prsluka je sintetička mreža koja je po širini i visini ojačana gurnama. U predjelu ramena, s unutrašnje strane je našiven kaširani sunder koji omogućava udobno nošenje. Prsluk se sastoji od prednjeg i zadnjeg dijela koji su spojeni u bočnom dijelu sa sintetičkom pertlom koja omogućava proširenje obima prsluka. Pertla se provlači kroz šest pari metalnih ringlica, a višak pertle pakuje se u male futrole koje se zatvaraju čičak trakom. Prsluk se s prednje strane zatvara rajsfešlusom koji je osiguran u donjem porubu i gornjem dijelu iznad završetka na grudima s gurnama koje se spajaju plastičnim kopčama. Na prednjoj desnoj strani prsluka su tri futrole za rezervne okvire HK MP 5., koje su našivene na platno s presovanim sunderom koji se spaja s prslukom pomoću drukera i čičak trake. Pored njih, s desne strane, je futrola za hemijsko sredstvo – suzavac. Iznad futrola pa do visina naramenica štepano je ojačanje sa zaustavnom gurnom koja onemogućava proklizavanje kundaka puške. Na desnoj strani prsluka, u donjem dijelu, nalazi se našivena futrola za pištolj koja je pod blago kosim uglom. Iznad je futrola za rezervni okvir i baterijsku lampu i univerzalni dvodijelni džep na čijem poklopcu je fluorescentni natpis «POLICIJA» koji je ispisan čeriličnim i latinilnim pismom. Iznad njega je našivena gurnna na koju se montira futrola za radiostanicu. Na lijevoj bočnoj strani je futrola za fleš bombu. Na zadnjoj strani prsluka, u donjem dijelu, bočno su našivene futrole za lisice i prvi zavoj. Iznad po sredini je našivena gurnna s pregradama za kačenje ostalih futrola po potrebi (nosač rezervoara za vodu, rančić za municiju ili hranu). U visini plečki našivena je gurnna s vlaknastim dijelom čičak trake na koju se spaja fluorescentni natpis «POLICIJA» koji je ispisan čeriličnim i latinilnim pismom. Iznad natpisa, u predjelu kragne, je gurnna s rukohvatom koja služi za izvlačenje povrijeđenog.
- (9) **Komplet za nošenje oružja** – izgled i opis kao u članu 3 stav (3) ovog Pravilnika.

- (10) **Pododijelo za vođiĉa sluŹbenog psa** izrađeno je od proŹivene tkanine i sastoji se od gornjeg i donjeg dijela. Na prednjici gornjeg dijela je jedan opŹiveni dŹep, a zakopĉava se zatvaraĉem. Na ovratnik i rukave uŹiven je render. Na produljenom dijelu leđa naŹivena je ĉiĉak traka za kopĉanje. Na boĉnom Źavu gornjeg dijela naŹivena je guma. Donji dio je bez dŹepova i s donje strane zavrŹava renderom, dok je gornji dio i prednji otvor opŹiven trakom. Prednji otvor kopĉa se ĉiĉak trakom, a u struku je uŹivena guma.
- (11) **Terenske ĉizme za vođiĉa sluŹbenog psa** - terenske ĉizme imaju visoku saru, crne su boje, izrađene od prirodne hidorofobirane koŹe s gumenim đonom. Sare su visine 21 cm, podloŹene su spuŹvom. Jezik je ugrađen u cipelu i zatvorenog je tipa. Podstava je od goveđeg krom cjepanika. GornjiŹte je dva puta priŹiveno za tabanicu, a đon je lijepljen.
- (12) **Dopunski dijelovi uniforme iz ĉlana 10 stav (1) od taĉke i) do taĉke z) Pravilnika o uniformi Policije Brĉko distrikta BiH** izrađeni su u standardnom obliku i materijalu.

TREĆI DIO - SVEĀANA POLICIJSKA UNIFORMA

Ālan 7

(Detaljan izgled, boja, opis i sirovinski sastav)

- (1) **Źapka** je osmouglog oblika, izrađena od tkanine tamnoplave boje, s blago povijenim tjemenom poviŹenim na pasicu. Na pasicu je s vanjske strane priŹivena traka Źirine 32 mm sa stiliziranim pleterom bijele ili Źute boje, ovisno o zvanju policijskog sluŹbenika. Podbradak je od skaja crne boje, Źirine 14 mm, izrađen u dva dijela, podesiv po duŹini. PriĉvrŹĉen je za pasicu s dva dugmeta Źute boje promjera 14 mm i reljefno utisnutom policijskom znaĉkom za kapu. Źtitnik je izrađen od plastiĉne mase, s gornje strane presvuĉen s lakiranim politeksom, a s donje strane politeksom zelene boje, sve skupa je priŹiveno na pasicu sa znojnicom koja na prednjem dijelu s unutarnje strane ima uŹivenu crnu pliŹanu traku. Na prednjoj strani kape u sredini nalazi se metalni otvor (ringlica) za priĉvrŹĉivanje policijske znaĉke za kapu.
- (2) **Źenski ŹeŹir** je tamnoplave boje klasiĉnog okruglog oblika s obodom. StraŹnji dio oboda je visoko uzdignut. Na prednjoj strani ŹeŹira u sredini nalazi se metalni otvor (ringlica) za priĉvrŹĉivanje policijske znaĉke za kapu, koja je urađena na pozlaĉenom zrakastom polju. Ispod znaĉke po obodu ŹeŹira priĉvrŹĉena je traka sa stiliziranim pleterom Źute ili bijele boje, zavisno od zvanja policijske sluŹbenice.
- (3) **Mantil s kapuljaĉom – zimski** je standardnog modela, tamnoplave boje od nepromoĉivog i visokotoplinskog materijala GORETEX.

- (4) **Sako** je od materijala mješavine vuna 45%, polyester 55%, težina materijala 280 - 320 gr/m², kroj klasični, jednorodno kopčanje, 3 dugmeta, naramenice, dugmad zlatnožute boje, našivena četiri džepa s poklopcem, oko rukava našivene su zlatnožute trake širine 3 mm, na reverima se nalaze oznake sa zlatnim lovorovim grančicama, na naramenicama se postavljaju standardne vezene policijske epolette s činovima.
- (5) **Pantalone** (muške/ženske) su od materijala mješavine vuna 45%, poliester 55%, težina materijala 280 - 300 gr/m², izrađene od tkanine tamnoplave boje i uobičajenog kroja. S lijeve i desne strane imaju jedan urezani džep. Straga je džep s poklopcem koji se kopča dugmetom. Širina nogavice na donjem kraju je od 22 do 26 cm bez manžetna. Na prednjem dijelu s unutrašnje strane nogavica pričvršćena je svilena podstava, a na krajevima donjeg dijela nogavica ivice su opšivene štitnikom. Na pantalonama oko pojasa izrađen je potreban broj držača za kaiš, širokih 5 cm.
- (6) **Suknja** je od materijala mješavine vuna 45%, poliester 55%, težina materijala 280 - 300 gr/m², dužine do sredine koljena, izrađena je od tkanine tamnoplave boje, klasičnog kroja. Kopča se dugmetom i rajsfešlusom sa stražnje strane.
- (7) **Cipela niska s kožnim đonom** (muška/ženska) dio je osnovne uniforme.
- (8) **Cipela poluduboka - zimska** dio je osnovne uniforme.
- (9) **Bijela svečana košulja dugih rukava** (muška/ženska), materijal mješavina pamuka 67% i poliester 33%, težina materijala 145 - 150 gr/m², klasičnog je kroja, s jednim džepom bez poklopca.
- (10) **Bijela svečana košulja kratkih rukava** (muška/ženska), materijal mješavina pamuka 67% i poliester 33%, težina materijala 145-150 gr/m², kopča se sa šest do sedam dugmadi. Na prednjoj strani u visini grudi našivena su dva džepa s poklopcima koji se kopčaju dugmetom. Na lijevoj strani grudi iznad džepa je ušitak s dva metalna prstena na koji se prikopčava policijska značka. Na ramenima su prišiveni držači za naramenice s oznakama čina koje se kopčaju dugmetom. Na lijevom rukavu, deset centimetara od ramenog šava, našiven je policijski amblem (po uzorku).
- (11) **Svečana kravata** - materijal 100% poliester. Svečana kravata policijskog službenika je tamnoplave boje, sa izvezenim policijskim amblemom (po uzorku) na vezanje.

- (12) **Svečane rukavice** izrađene u standardnom desetoprstnom obliku i materijalu bijele boje.
- (13) **Čarape** (muške / ženske) izrađene su u standardnom obliku i materijalu bijele boje.
- (14) **Kaiš** je izrađen od crne kože s metalnom kopčom na kojoj je reljefno ugravirana oznaka »PBD«, ovičeno pleterom.
- (15) **Igla za kravatu** je standardnog oblika sa na sredini reljefno ugraviranom oznakom »PBD«, ovičeno pleterom.

ČETVRTI DIO - KOLIČINE I ROKOVI ZADUŽENJA

SPECIFIKACIJA UNIFORMI I ROKOVI TRAJANJA

Redni broj	Naziv	Količina po policijskom službeniku	Rok trajanja
A) SPECIFIKACIJA OSNOVNE POLICIJSKE UNIFORME			
1.	Kapa sa šiltom (šapka) zimska i ljetna	1/1	2 ili 3 godine
2.	Kačket	1	2 godine
3.	Majica kratkih rukava	2	1 godine
4.	Košulja kratkih rukava (muška / ženska)	2	1 godine
5.	Majica kratkih rukava s kragom	2	1 godine
6.	Košulja dugih rukava (kombinovana)	1	1 godine
7.	Kravata	1	2 godine
8.	Pulover – Prsluk	1	3 godine
9.	Kratka jakna dvodijelna	1	3 godine
10.	Zimske pantalone (muške / ženske)	1	1 godine
11.	Ljetne pantalone (muške / ženske)	1	1 godine
12.	Kaiš	1	3 godine
13.	Čarape zimske (muške / ženske)	3	1 godine

14.	Čarape ljetne (muške / ženske)	5	1 godine
15.	Cipele niske s kožnim đonom (muške / ženske)	1	1 godine
16.	Taktička duboka čizma sa membranom	1	2 godine
17.	Cipele poluduboke – zimske	1	3 godine
18.	Duga jakna sa kapuljačom - zimska	1	3 godine
19.	Kišni mantil – ogrtač s kapuljačom	1	5 godine
20.	Majica kratkih rukava	2	1 godine
21.	Majica dugih rukava – poludolčevita	2	1 godine
22.	Cipela niska – gojzerica	1	2 godine
23.	Rukavice kožne	1	2 godine
24.	Kratka jakna (kriminalistička policija i dr.)	1	3 godine
25.	Civilni komplet (muški / ženski)	1	po odluci Šefa policije
26.	Komplet za prikriveno nošenje oružja	1	8 godina
27.	Kombinezon (krim. tehnika)	1	2 godine
28.	Prsluk	1	2 godine

Redni broj	Naziv	Količina po policijskom službeniku	Rok trajanja
B) DODATNA POLICIJSKA UNIFORMA			
1.	Potkapa	1	3 godine
2.	Komplet za nošenje oružja	1	8 godina
3.	Prsluk reflektujući	1	3 godine
4.	Navlaka za šapku bijele boje	1	1 godina
5.	Narukavlje bijelo	1	1 godina
6.	Narukavlje bijelo - reflektujuće	1	1 godina
7.	Rukavice bijele	2	1 godina
8.	Zimsko motociklističko odijelo	1	3 godine
9.	Ljetno motociklističko odijelo	1	2 godine
10.	Kaciga	1	8 godina
11.	Motociklističke čizme	1	2 godine
12.	Motorističke rukavice (ljetne - zimske)	1 + 1	2 godine
13.	Motociklistički kišni komplet (dvodijelni)	1	5 godina
14.	Motociklistička majica kratkih rukava s ovratnikom (polo)	1	1 godina
15.	Motociklistička majica dugih rukava – poludolčevita	1	1 godina

16.	Zaštitni pojas za lumbalni dio kičme	1	3 godine
17.	Štitnici za koljena i laktove	1	3 godine
18.	Kombinezon zimski - jednodijelni	1	4 godine
19.	Potkapa s prorezom za oči i usta (ljetna / zimska)	1+1	3 godine
20.	Rukavice s ojačanjem	1	3 godine
21.	Bijele navlake - za zimske uslove	1	3 godine
22.	Taktički prsluk	1	5 godina
23.	Pododijelo (vodič službenog psa)	1	3 godine
24.	Terenske čizme	1	3 godine
25.	Čizme gumene	1	3 godine
26.	Čizme ribarske	1	3 godine
27.	Rukavice	1	3 godine

Red. br.	N a z i v	Količina po policijskom službeniku	R o k trajanja
C) SVEČANA POLICIJSKA UNIFORMA			
1.	Muška kapa / Ženski šešir	1	5 godina
2.	Vjetrovka s kapuljačom - zimska	1	5 godina
3.	Jakna kratka - dvodijelna	1	5 godina
4.	Pantalone (muške / ženske)	1	5 godina
5.	Suknja	1	5 godina
6.	Cipela niska s kožnim đonom (muška / ženska)	1	5 godina
7.	Cipela poluduboka - zimska	1	5 godina
8.	Bijela svečana košulja - kratkih rukava (muška / ženska)	1	5 godina
9.	Bijela svečana košulja - dugih rukava (muška / ženska)	1	5 godina
10.	Kravata – svečana	1	5 godina
11.	Čarape (muške / ženske)	1	1 godina
12.	Kaiš	1	5 godina
13.	Igla za kravatu	1	5 godina

PETI DIO - ZADUŽIVANJE SVEČANE UNIFORME

Član 8

(Zaduživanje svečane uniforme)

Policijski službenici zadužuju svečanu uniformu prema popisu i u količinama i rokovima trajanja navedenim u ovom pravilniku.

Član 9

(Nošenje svečane uniforme)

Svečanu uniformu policijski službenici nose u sljedećim prilikama:

- obilježavanje Dana Policije,
- obilježavanja praznika BiH definisanih državnim zakonom,
- komemorativne manifestacije organizovane od Policije,
- i u drugim prilikama koje svojom naredbom odredi šef Policije.

ŠESTI DIO - POLICIJSKE OZNAKE

Član 10

(Policijska značka za kapu)

- (1) Policijska značka za kapu je metalna i sastavljena od zlatnožute zrakaste reljefne osnovice s deset pera dimenzija 45X45 mm u čijem središtu se nalazi grb Bosne i Hercegovine, dimenzija 23X20 mm.
- (2) Izgled policijske značke za kapu čini sastavni dio ovog Pravilnika kao prilog 1.

Član 11

(Policijski amblem)

- (1) Policijski amblem je istovjetan dizajnu policijske značke i dimenzija je 85X70 mm kada je u pitanju štit i 34X28 mm kada je u pitanju grb Bosne i Hercegovine koji se nalazi u središtu štita na reljefnoj podlozi sa zracima zlatnožute boje. Isti se nalazi na lijevom rukavu majica, košulja, jakni, odijela i mantila.
- (2) Izgled policijskog amblema čini sastavni dio ovog Pravilnika prilog 2.

Član 12
(Amblem za vozila)

- (1) Izgled amblema je identičan policijskom amblemu koji je prikazan u prilogu 2. sa odgovarajućim dimenzijama i postavlja se na mjesta utvrđena u stavu (2) ovog člana.
- (2) Amblem dimenzija 300 x 260 mm postavlja se na oboja prednja vrata vozila, amblem dimenzija 400 x 350 mm na sredini prednjeg pokopca motora, amblem dimenzija 200 x 170 mm na spremnik motocikla a amblem dimenzija 140 x 120 mm na prednji vezni lim motocikla.

SEDMI DIO - PRIJELAZNE I ZAVRŠNE ODREDBE

Član 13
(Usklađivanje uniformi)

Uniforma ili dijelovi uniforme koji nisu u skladu s odredbama ovog pravilnika, uskladit će se kada se stvore budžetske pretpostavke za to.

Član 14
(Stavljanje van snage)

Stupanjem na snagu ovog Pravilnika stavlja se van snage Pravilnik o detaljnom izgledu, boji, opisu, sirovinskom sastavu i vremenu trajanja uniforme Policije Brčko distrikta BiH ("Službeni glasnik Brčko distrikta BiH" broj 36/08) i Pravilnik o izmjenama i dopunama Pravilnika o detaljnom izgledu, boji, opisu, sirovinskom sastavu i vremenu trajanja uniforme Policije Brčko distrikta BiH broj: 14.05/1-02-6930/08-1 od 19.08. 2009. godine.

Član 15
(Stupanje na snagu)

Ovaj pravilnik stupa na snagu danom donošenja i objavit će se u Službenom glasniku.

Broj: 14.05-02-3046/10

Dana: 10.03.2010. godine

ŠEF POLICIJE
BRČKO DISTRIKTA BiH
Goran Lujić

PRILOG 1. – Policijska značka za kapu



PRILOG 2. – Policijski amblem

